

ՎԱՂ ՏԱՐԻՔՈՒՄ ՓԻԼԻՍՈՓԱՅԱԿԱՆ ՄՏԱԾՈՂՈՒԹՅԱՆ ԶԱՐԳԱՑՄԱՆ ՀԵՌԱՆԿԱՐՆԵՐԸ ՀԱՅ ԻՐԱԿԱՆՈՒԹՅԱՆ ՄԵՁ

*Վաղ տարիքում փիլիսոփայական մտածողությունը ոչ միայն
հնարավոր է, այլև՝ անհրաժեշտ*

Մենք ուսումնասիրում ենք անցյալի փիլիսոփայությունը՝ հասկանալու համար ապագայի փիլիսոփայությունը, իսկ ապագայի փիլիսոփայության հիմքերը դրվում են ներկայում, որտեղ փիլիսոփայության հույսը կապվում է երիտասարդության, այսօր արդեն նաև՝ մանկահասակ երեխաների հետ: Նման բազմաստիճան փիլիսոփայական կրթության հիմքերն առկա են դեռևս հին հունական փիլիսոփայության, մասնավորապես, սոփեստների գիտագործնական պրակտիկայում: Այնուամենայնիվ, թեպետ փիլիսոփայությունն ամենափնտրյալ և ակադեմիական դասընթացներից է, սակայն մինչև վերջերս այն համարվում էր խրթին և անհետաքրքիր երեխաների համար, ուստի և՛ ավանդաբար չի դիտվել որպես «երեխաների ուսումնասիրության առարկա»: Ավելին, այսպես կոչված, «փիլիսոփայող», ընդհանուր, վերացական, առօրյա կյանքից կտրված հասկացություններով դատող, ինքնուրույն և անկախ եզրահանգումներ կատարող երեխան, ով հաճախ «դժվար կացության» մեջ է դնում մեծահասակներին, արժանանում է վերջինների հեզմանական հանդիմանությանը՝ «Մի՛ փիլիսոփայիր», «Հերի՛ք փիլիսոփայես», «Դու էիր պակա-

սում, որ փիլիսոփայես», «Մի՛ նոր փիլիսոփա էլ հայտնվեց» և այլն:

Փիլիսոփայությունը՝ սերը դեպի իմաստությունը և աշխարհի մասին խորհրդածությունները, կյանքի իմաստի որոնումները սկսվում են շրջապատող իրականության նկատմամբ հետաքրքրվածությունից և հետաքրքրասիրությունից, Արիստոտելի բնորոշմամբ՝ զարմանքից: Իսկ հետաքրքրվում և զարմանում են ամենից հաճախ երեխաները, ովքեր ընկալելու, հասկանալու, դատելու և աշխարհաճանաչողության ամեմամեծ պահանջն ունեն: Հայտնի ճշմարտություն է՝ «Բանական մարդը փիլիսոփայող էակ է», ուստի, փիլիսոփայությունը չունի տարիքային սահմաններ, և երեխաները, պատանիներն ու երիտասարդները ևս ի բնե «փիլիսոփաներ» են, և բոլորի նման նրանք էլ կիրառում են մտածողության ձևերը, առաջադրում են փիլիսոփայական հավերժական խնդիրներ ու հարցադրումներ, որոնց շուրջ բոլոր ժամանակների փիլիսոփաները մտածել և մտածում են և, որոնք էլ հենց կազմում և ձևավորում են մեր ամենօրյա կենսափորձը: Օրինակ, երեխաները սիրում են հարցնել «Ինչպե՞ս ենք մենք ճանաչում առարկաները», «Ինչու՞ մեկը չար է, իսկ մյուսը՝ բա-

րի», «Ինչու՞ հնարավոր չէ վերացնել չարը», «Ինչ է գեղեցիկը», «Ինչպե՞ս տարբերել ճշմարիտն ու սուտը», «Ինչու՞ չի կարելի ստել», «Չե՞ որ սուտն էլ երբեմն կարող է օգտակար լինել», «Ինչու՞ երբեմն այն, ինչ այսօր ճշմարիտ է, վաղը պարզվում է, որ սխալ է», «Ինչպե՞ս են կապակցվում միտքն ու մարմինը», «Ինչ է արդարությունը», «Ո՞վ է լավագույն ընկերը», «Ո՞վ և ինչու՞ է սահմանել «Չի՛ կարելին»», «Ինչու՞ է ժամանակը երբեմն դանդաղ, իսկ երբեմն էլ արագ անցնում», «Ինչ են նշանակում մեր երազները», «Արդյոք ուրվականներն իրական են», «Ինչու՞ են մարդիկ ծնվում, եթե մի օր պիտի մեռնեն», «Ու՞ր են գնում մարդիկ մահվանից հետո», «Եթե Երկիր մոլորակը կլոր է, և մենք ապրում ենք դրա վրա և ոչ թե դրա մեջ, ինչպե՞ս է որ չենք գլորվում Երկրի վրայից» և այլն:

Այն հանգամանքը, որ երեխաները փիլիսոփայում են առանց փիլիսոփայություն սովորելու, չի նշանակում, թե նրանք փիլիսոփայություն սովորելու կարիք չունեն: Չե՞ որ նույնը տեղի ունի նաև մեծահասակների դեպքում, և որևէ մեկը չի կասկածում այն հարցում, թե արդյոք նրանք պե՞տք է ուսումնասիրեն փիլիսոփայությունը:

Փիլիսոփայությունն առաջադրում է վիճելի գաղափարներ, որոնք մարդը չի կարող ավարտուն կերպով քննել և ամրագրել իր գիտակցության մեջ՝ իբրև ակնհայտ ճշմարտություններ: Փիլիսոփայության այս առանձնահատկությունն էլ հենց օգնում է երեխային ներքաշվել փիլիսոփայական խնդիրների քննության ոլորտ, ձևավորել սեփական տեսակետ, սեփական աշխարհայացք: Տրամաբանությունը, որը փիլիսո-

փայության հնագույն ճյուղերից է, ներառում է նաև քննադատական մտածողությունը, ուստի՝ փիլիսոփայությունն օգնում է երեխաներին ամենից առաջ զարգացնել ինքնուրույն, քննադատական, ստեղծագործական, անկախ և վերլուծական մտքի ունակություններն ու կարողությունները, ինքնագարգացումն ու ինքնագնահատումը:

Փիլիսոփայությունն առաջադրում է հարցեր աշխարհի մասին մեր պատկերացումները կազմող հիմնական հասկացությունների շուրջ, և երեխաները ներգրավվում են փիլիսոփայության ոլորտ՝ նաև ուսումնասիրելով առօրյա կյանքից իրենց քաջ ծանոթ այդ հասկացությունների իմաստները, ձգտելով ըմբռնել դրանց լեզվական իրողությունների՝ բառերի, բազմիմաստության արդյունքում առաջացած շփոթը, կողմնորոշվել ամենօրյա բառախաղի հորձանուտում, կատարելագործել իրենց մտածողությունը, ավելի լավ հասկանալ սեփական ներաշխարհն ու ուրիշների աշխարհը, բացահայտել, թե այդ աշխարհներում ինչն է իրենց համար առավել կարևոր, արժեքավոր և ընդունելի:

Ասվածից ակնհայտ է, որ երեխաների համար փիլիսոփայությունն ընդամենը մտավոր որոնում չէ: Այն ունի գործնական նշանակություն և օգնում է նրանց ավելի լավ կողմնորոշվել կյանքում, կատարելագործել և խորացնել իրենց մտածողությունը՝ հասկանալու և իմաստավորելու իրենց ամենօրյա կենսափորձի փիլիսոփայական կարևորությունը, արժևորելու շրջապատող իրականության մեջ ծառացած բարոյական, քաղաքական, սոցիալական, գեղագիտական և այլ բնույթի խնդիրները, ճշգրտելու իրենց

վճիռներն ու գործողությունները, կատարելու առողջ բարոյական կշռադատություններ, գործածելու ճշմարիտ դրույթներ, կիրառելու իրավացի, ազնիվ և արդար միջոցներ: Ահա,

*Երեխաների համար փիլիսոփայության ոլորտում իրականացված
հետազոտությունները և դրանց զարգացումը*

ԱՄՆ-ում 1947 թվականից Մոնթքլեյրի պետական համալսարանին կից գործում է *Փիլիսոփայությունը երեխաների համար ինստիտուտը*¹, որը պարբերաբար կազմա-

¹ Ինստիտուտն իրականացնում է երեք հիմնական առաքելություն՝

- **կրթական ծրագրավորում.** ուսումնական ծրագրերի և ուսուցիչների պատրաստման, հարցազրույցի վրա հիմնված ուսուցման, դասարանային երկխոսության, վերաբերյալ նյութերի հրատարակում, մասնագտական ֆորումների կազմակերպում, տարբեր տարիքի երեխաների համար դասընթացի համապարփակ ծրագրերի ստեղծում, Ինստիտուտի մասնաճյուղ-կենտրոնների աշխատանքի համակարգում, համագործակցություն *Երեխաների համար փիլիսոփայություն* առարկայի դասընթացներ և կրթական ծրագրեր առաջարկող համալսարանների, «Փիլիսոփայությունը երեխաների համար» տարածքային և միջազգային կազմակերպությունների հետ:
- **Մասնագիտական մասնաճյուղ-կենտրոնների ընդլայնում.** ցուցադրությունների, գիտաժողովների կազմակերպում, տարբեր ՁԼՄ-ների կայքեր ստեղծում, բրոշյուրների, տեղեկատվական ամսագրերի հրատարակում, համագործակցում և անդամակցում ակադեմիական, մասնագիտական կազմակերպությունների հետ, ինչպես արվել է օրինակ, Ամերիկյան փիլիսոփայական ընկերակցության, Մեծ Բրիտանիայի և ԱՄՆ փիլիսոփայության կրթական հասարակությունների, Ամերիկյան կրթական հետազոտական ընկերակցության, ՅՈՒՆԵՍԿՕ-ի, Փիլիսոփայական հասարակությունների միջազգային ֆեդերացիայի, Գործնական և մասնագիտական էթիկայի ընկերակցության, Սկվայր ֆեդերացիայի, պետական և

թե ինչու է փիլիսոփայությունն ամենուր, և, թե ինչու են մարդիկ հազարավոր տարիներ շարունակ զբաղվում փիլիսոփայությամբ:

կերպում է միջազգային սեմինարներ խնդրառարկայի շուրջ: Ինստիտուտի հիմնադիր տնօրենն է հայտնի փիլիսոփա և կրթության տեսաբան Մեթյու Լիպմանը, ում նախաձեռնությամբ և ղեկավարությամբ էլ հենց մշակվել է *Փիլիսոփայությունը երեխաների համար* ծրագիրը, որն արտացոլվել է նրա բազմաթիվ հետազոտություններում (տե՛ս, մաս-

ֆեդերալ գերատեսչությունների, Նյու Ջերսիի շնորհալի երեխաների ընկերակցության և Փիլիսոփայություն երեխաների համար տարածաշրջանային և միջազգային կազմակերպությունների հետ:

- **Հետազոտություն.** խրախուսել տեսական և էմպիրիկ ուսումնասիրությունները փիլիսոփայությունը կրթական նպատակների համար օգտագործելու գաղափարի վրա հենվող նախաքուլեջային փիլիսոփայության մեջ.
- հրավիրել գիտնականների՝ Ինստիտուտում հետազոտություններ անելու համար.
- ուսումնասիրել նախաքուլեջային փիլիսոփայության այլընտրանքային մոտեցումները.
- համակարգել աշխատանքը Ինստիտուտի մասնաճյուղ-կենտրոնների և համագործակցող համալսարանների և կազմակերպությունների հետ:
- Իրականացնել հետազոտություն փիլիսոփայության և կրթության վերաբերյալ ակադեմիական և մասնագիտական վայրերում, աշխատել կրթական վարչարարությունը և քաղաքականությունը մշակողների, փիլիսոփայական և հարակից առարկաների դասախոսների և ուսանողների հետ:

Տե՛ս, <http://www.montclair.edu/cehs/academics/centers-and-institutes/iapc/>:

նավորապես՝ Lipman, Sharp, Oscanyan (eds.) 1978; Lipman, Sharp, Oscanyan 1980; Lipman 1988; Lipman 1993):

Մ.Լիպմանի պնդմամբ, փիլիսոփայությունը սոսկ դպրոցական դասընթաց չէ: Այն ամբողջ կրթական համակարգի հիմքն է: Նպատակադրվելով բացահայտել երեխաներին փիլիսոփայությունն դասավանդելու սկզբունքներն ու հնարները՝ նա XX դարի 50-80-ական թթ. պատրաստում է երեխաների համար փիլիսոփայության դասավանդման մանկապարտեզից մինչև բուհական կրթություն ժամանակահատվածն ընդգրկող մեթոդաբանական ծրագիր: Ծրագիրը ներառում է երեխաներին ծանոթ վիճահարույց խնդիրներ առաջադրող տեքստեր, որոնք Լիպմանը հրատարակում է Երեխաների համար փիլիսոփայական պատմվածքների ժողովածուով (Lipman 1974):

Որպես դասընթացների կազմակերպման նախատիպ՝ Լիպմանը դիտարկում է սոկրատեսյան երկխոսությունը՝ ըստ նրա առաջադրած մանտիկայի սկզբունքի: Լիպմանը պահանջում է *Փիլիսոփայությունը երեխաների համար* ծրագրի իրականացման համար լսարանը սովորական միջավայրից վերածել «հետազոտողների ընկերակցության», որի անդամները մտածում են ինքնուրույն և փաստարկում են սեփական կարծիքի շուրջ: Լսարանում ուսուցիչը մատուցում է համապատասխան նյութը և քննարկվելիք խնդիրները, ինչի արդյունքում արվում են եզրահանգումներ, որոնք իրենց հերթին առաջադրում են նոր խնդիրներ:

Փիլիսոփայությունը երեխաների համար շարժումը մեծ թափ է ստանում նախորդ դարի 70-ական թվականներից և Մեթ-

յու Լիպմանի տեսության հետևորդներն օրեցօր ավելանում են: Ստեղծվում են նրա ծրագրի ազգային տարբերակները: Լիպմանի հիմնադրած *Միտք. Փիլիսոփայությունը երեխաների համար* (*Thinking: The Journal of Philosophy for Children*) պարբերականին հաջորդում է խնդրո առարկային վերաբերող մի շարք այլ պարբերականների՝ *Վերլուծական ուսուցում* (*Analytic Teaching*), *Մանկությունը և փիլիսոփայությունը* (*Childhood and Philosophy*), *Քննադատական և ստեղծագործական միտք* (*Critical & Creative Thinking*), *Հարցեր* (*Questions*) հրատարակությունը: Կազմակերպվում են այդ հարցերին նվիրված միջազգային գիտաժողովներ, նկարահանվում են ֆիլմեր: Լիպմանի ծրագիրն արժանանում է նաև ՅՈՒՆԵՍԿՕ-ի հավանությանը, և այսօր արդեն հարյուր հազարավոր սովորողներ, աշխարհի ավելի քան հիսուն պետություններում մասնակցում են *Փիլիսոփայությունը երեխաների համար* ծրագրին:

Ստեղծվել և ստեղծվում են *Փիլիսոփայությունը երեխաների համար* ծրագիրն իրականացնող միջազգային կազմակերպություններ, որոնցից մասնավորապես, հարկ է նշել մի քանիսը:

- *Երեխաների փիլիսոփայության հետազոտությունների միջազգային խորհուրդը* (ICPIC)² ստեղծել են դպրոցականներին փիլիսոփայական հետազոտությունների մեջ ներգրավելու խնդրով հետաքրքրված փիլիսոփաները և ուսուցիչները: ICPIC-ը հրատարակում է գիտական հանդեսներ, ամսագրեր, պար-

² Տե՛ս, ICPIC - The International Council of Philosophical Inquiry with Children; <http://icpic.org/about-icpic>:

բերաբար կազմակերպում է միջազգային գիտաժողովներ և հանդիպումներ: Առաջիկա միջազգային գիտաժողովը «Ինքնությունը և փիլիսոփայական հետազոտությունները բազմազանության տարիքում» թեմայով տեղի կունենա Բրիտանական Կոլումբիայի համալսարանում, Վանկուվերի (Կանադա) Փիլիսոփայությունը երեխաների համար ինստիտուտում (25-27, հունիս, 2015 թ.):

- **Ավստրալիայի՝ փիլիսոփայությունը դպրոցում ընկերակցությունների ֆեդերացիան (FAPSA)**³, որի կազմում համագործակցում են Ավստրալիայի մայրաքաղաքի տարածքային, Նոր Հարավային Ուելսի, Քուինսլանդի, Հարավային Ավստրալիայի, Տասմանիայի, Վիկտորիայի, Արևմտյան Ավստրալիայի, Նոր Զելանդիայի և Սինգապուրի ընկերակցությունները: Ֆեդերացիան տարածում է փիլիսոփայության ուսուցումը դպրոցում խթանելու և ընդլայնելու ուղղությամբ իր ծավալած գործունեության փորձը, փնտրում է հովանավորող ֆոնդեր դասարանային ռեսուրսներն ավելացնելու և դպրոցում փիլիսոփայության տեսության և պրակտիկայի շուրջ կրթական հետազոտություններ իրականացնելու համար, ապահովում է ուսուցիչների մասնագիտական աճը և մանկավարժների համար միջազգային մասնագիտական ցանցի հասանելիությունը, խթանում է մասնակցությունը տեղական և միջազգային ֆորումներին,

կազմակերպում է առցանց քննարկումներ, գիտաժողովներ:

FAPSA-ի պաշտոնական հանդես *Փիլիսոփայությունը դպրոցում* գիտական ժողովածուն (*Journal for Philosophy in Schools: JPS*) հրատարակվում է տարեկան երկու անգամ և ներառում է նաև գրախոսություններ դիտարկվող թեմայի շուրջ հրատարակված նոր գրքերի վերաբերյալ:

FAPSA-ն համագործակցում է *Ավստրալիայի փիլիսոփայական ընկերակցության (AAP)*⁴ հետ, որն ակադեմիական կազմակերպություն է և համակարգում է փիլիսոփայական հիմնախնդիրները և փիլիսոփայական գործունեությունը Ավստրալիայում, Նոր Զելանդիայում և Սինգապուրում, *Երեխաների փիլիսոփայության հետազոտությունների միջազգային խորհրդի (ICPIC)*⁵ հետ:

- **Փիլիսոփայությունը երեխաների համար կենտրոնը Վաշինգտոնի համալսարանում**⁶ հիմնադրվել է 1966 թ. Վաշինգտոնի Սիթքաղաքում, իսկ 1996 թ. միացել է Վաշինգտոնի համալսարանի փիլիսոփայության ֆակուլտետին: Կենտրոնի առաջնային նպատակը փիլիսոփայությունը երիտասարդների կյանք ներմուծելն է: Այստեղ իրականացվում է *Փիլիսոփաները դպրոցում* ծրագիրը, որը ջանում է սովորեցնել փի-

³ Տե՛ս, FAPSA - The Federation of Australasian Philosophy in Schools Associations; <http://fapsa.org.au/>:

⁴ Տե՛ս, AAP - Australasian Association of Philosophy; <http://aap.org.au/about>:

⁵ Տե՛ս, ICPIC - The International Council of Philosophical Inquiry with Children; <http://icpic.org/about-icpic>:

⁶ Տե՛ս, University of Washington's Center for Philosophy for Children; <https://depts.washington.edu/nwcenter/index.html>:

լիստփայությունը գրքերի և վարժությունների կիրառման եղանակով, այդպիսով ոգեշնչելով երեխաներին զբաղվել փիլիսոփայությամբ, արտահայտել սեփական հարցադրումները և մտահղացումները կյանքի կարևորագույն հարցերի շուրջ, մտածել սեփական փորձի իմաստի ու նշանակության մասին:

- **Նոր հարավային Ուելսի փիլիսոփայությունը դպրոցներում ընկերակցությունը՝** ևս իրականացնում է լայնածավալ գործունեություն խնդրո առարկայի ոլորտում:
- Փիլիսոփայություն սովորեցնող և դասավանդող կազմակերպությունը (PLATO)⁸ աջակցում է փիլիսոփայությունը երեխաներին ներկայացնող աշխատակիցներին՝ տրամադրելով նրանց ծրագրեր, նյութեր, զարգացնելով ազգային համացանցը: Զուգակցելով կրթությունը և փիլիսոփայությունը՝ PLATO-ն իրականացնում է փիլիսոփայության դասեր նույնիսկ այն լսարաններում, որոնք չեն առնչվում ակադեմիական ծրագրերին, ինչն էլ արդարացնում է փիլիսոփայական մոտեցումների և մեթոդների բազմազանությունը: PLATO-ի պաշտոնական հանդեսն է՝ **Questions: Philosophy for Young People**⁹ **գրախոսություններ ներառող ժուռնալը:**
- *Փիլիսոփայությունը դեպի երեխաներին, քոլեջներին և միություններին ուղղոր-*

դող ընկերությունը (Sapere)¹⁰ պատրաստում է մասնագետներ ծրագիրը իրականացնելու համար: Այն օգնում է հատկապես թերաթեք երեխաներին դառնալու կենսունակ, ինքնուրույն և ստեղծագործ մտածող աշակերտներ:

- **Ռուսաստանի կրթության ակադեմիայի Հոգեբանության ինստիտուտի և Մոսկվայի քաղաքային հոգեբանամանկավարժական համալսարանի Փիլիսոփայությունը երեխաների համար** կրթական ծրագիրը¹¹ հաստատվել և երաշխավորվել է Ռուսաստանի Դաշնության կրթության նախարարության և ՅՈՒՆԵՍԿՕ-ի կողմից: Ծրագրի նպատակն է պատասխանել արդի ռուս հասարակության կարևոր խնդիրներին՝ «Ինչպե՞ս դաստիարակել երեխային ժամանակակից աշխարհում», «Ինչպե՞ս գտնել աճող սերնդի սրտի և մտքի բանալին» և միտված է երեխաների դաստիարակությանը, սոցիալականացմանը, աշխարհայացքային հիմքերի ձևավորմանը, սեփական ինքնության գիտակցման և կյանքի հիմքերի կերտմանը: Ծրագիրը ներառում է մանկավարժական տեխնոլոգիաների և մեթոդների ամբողջական փաթեթ, որի տեսական հիմքը, ինչպես նշում են Ծրագրի հեղինակները, ռուս նշանավոր հոգեբաններ Լ.Վիգոտսկու, Ա.Լուրիայի, Ա.Լեոնտևի, Ս.Ռուբինշ-

⁷ Տե՛ս, The Philosophy in Schools Association of New South Wales; <http://www.philosophyinschoolsnsw.org/>:

⁸ Տե՛ս, PLATO - Philosophy Learning and Teaching Organization; <http://plato-philosophy.org/getting-started/teaching-elementary-school-philosophy/>:

⁹ Տե՛ս, <http://questionsjournal.com/print-issues/>:

¹⁰ Տե՛ս, Sapere - Society for Advancing Philosophy for Children, Colleges and Communities; <http://www.sapere.org.uk/Default.aspx?tabid=270>:

¹¹ Ծրագրի նպատակներին, խնդիրներին, իրականացման մեթոդներին և այլ մանրամասներին կարելի է ծանոթանալ «Философия для детей» ծրագրի կայք-էջում՝ <http://p4c.ru/>:

տեյնի, Դ.Էլկոնինի, Վ.Դավիդովի գաղափարներն ու հայեցակարգերն են:

Ծրագրի շրջանակներում մշակվել և կրթական պրակտիկայում լայնորեն կիրառվում են «Воспитательный диалог» ավագ նախադպրոցական տարիքի երեխաների համար (հեղինակ՝ Մ.Տելեգին) և «Ромашка - Почемушка» ցածր դպրոցական տարիքի երեխաների համար (հեղինակներ՝ Ա.Մարգոլիս, Մ.Կոնդրատով, Մ.Տելեգին, Ե.Կոնդրատով) ծրագրերը: Մշակման փուլում է «Территория вечных ценностей» դեռահասների համար ծրագիրը:

Փիլիսոփայություն երեխաների համար ծրագրի շրջանակներում ռուս գիտնականների իրականացրած հետազոտություններն ու դրանց արդյունքները հրապարակվել և ընթերցողի քննարկմանն են ներկայացվել մի շարք մենագրությունների տեսքով (տե՛ս Марголис 1996; Марголис, Ковалёв Телегин, Кондратьев 1997; Марголис, Ковалёв, Телегин, Кондратьев 1998; Ретюнских 2003; Телегин 2006 а; Телегин 2006 б; Телегин 2009; Юлина 2005 և այլն):

Դիտարկվող ծրագիրը քննարկվել է նաև 2009 թ. Ռուսաստանի գիտությունների ակադեմիայի փիլիսոփայության ինստիտուտի կազմակերպած փիլիսոփայության համաշխարհային օրվան նվիրված «Փիլիսոփայությունը երեխաների համար» կլոր սեղանի շրջանակներում:

- ***Փիլիսոփայությունը երեխաների համար ինստիտուտի հայ գործընկերները*** ևս ծավալել են որոշակի գործունեություն՝

ի դեմս բանասիրական գիտությունների դոկտոր, պրոֆեսոր Լիլիթ Բրուտյանի և փիլիսոփայական գիտությունների թեկնածու, դոցենտ Գագիկ Գալիկյանի, ովքեր անմիջականորեն մասնակցել են *Փիլիսոփայությունը երեխաների համար* ինստիտուտի (ԱՄՆ) աշխատանքներին՝ որպես հրավիրված գործընկերներ: 1993 թ. Ինստիտուտի սեմինարներից մեկում քննարկված Լ.Բրուտյանի երեխաների լեզվամտածողությանը նվիրված զեկուցումը նույն տարում հրատարակվել է այդ Ինստիտուտի պաշտոնական հանդես *Thiking. The Journal of Pilosophy for children* ամսագրում (Brutian 1993): Ինստիտուտի ղեկավարությունը գնահատելով հայ գիտնականի հետազոտությունները խնդրո առարկայի բնագավառում, 1994-1995 ուսումնական տարում հրավիրել է նրան աշխատելու այդ Ինստիտուտում: Ավելի ուշ, Լ.Բրուտյանը մասնակցել է մի շարք գիտաժողովների, մասնավորապես՝ ութերորդ միջազգային ճանաչողական գիտաժողովին (Լոգրոնդո, Իսպանիա, 2003 թ., զեկուցման թեմա՝ *On Children's Argumentation through Their Discourse*), ակադեմիկոս Է.Աթայանի հիշատակին նվիրված հանրապետական գիտաժողովին (Երևան, 2004 թ., զեկուցման թեմա՝ *Типология аргументов в детской речи*), փաստարկմանը նվիրված վեցերորդ միջազգային գիտաժողովին (Ամստերդամ, 2006 թ., զեկուցման թեմա՝ *Arguments in Child Language*):

Լ.Բրուտյանի *Փաստարկները երեխաների խոսքում* հետազոտության մեջ

(Brutian L. 2006) ուսումնասիրվում են փաստարկումը և փաստարկման ընթացքում կիրառվող փաստարկները երեխաների խոսքում՝ տարբեր դիտանկյուններից: Աշխատանքում իրականացվում է երեխաների փաստարկային բնույթի դիսկուրսի թեմատիկ դասակարգում և առանձնացվում են ա) գոյութենական հարցեր (ծնունդ, մահ), բ) շնչավոր և անշունչ առարկաներ, գ) սենային տարբերակումներ, դ) ժամանակ և տարիք, ե) ընտանեկան կապեր, զ) փիլիսոփայական հիմնահարցեր թեմատիկ խմբերը: Երեխաների փաստարկումը վերլուծվում է նաև արտահայտման ձևի, կառուցվածքի և փաստարկների տիպերի տեսանկյունից: Ուսումնասիրությունը ցույց է տալիս, որ երեխաների փաստարկային դիսկուրսն իրականանում է պատճառական և պայմանական ասույթների միջոցով և, որ պայմանական ասույթների բոլոր տեսակներն էլ կիրառվում են երեխաների խոսքում, ինչն ապացուցում է, որ երեխաները տարբերակում են ասույթների գործաբանական իմաստները: Արտահայտման ձևի տեսանկյունից առանձնացվում են արտարկման ներակա փաստարկները: Ըստ կառուցվածքի, առանձնացվում են պարզ և բարդ փաստարկները՝ առաջինների գերակայությամբ: Առանձնակի վերլուծության են ենթարկվում երեխաների խոսքում ճշմարիտ, սխալ, զգաց-

մունքային, համաբանությամբ, բառերի ուժի և այլ փաստարկները:

Հետազոտության մեջ իրականացվում է նաև տարբեր երեխաների փաստարկների զուգադրական վերլուծություն, ինչն ապացուցում է, որ բոլոր անհատական տարբերություններով հանդերձ երեխաների փաստարկային գործընթացում առկա են շատ ընդհանրություններ:

Կիրառելով ԱՄՆ-ում ձեռքբերած աշխատանքային փորձը, հայ գիտնականները իրականացրել են մի շարք հետազոտություններ, տարածել *Փիլիսոփայությունը երեխաների համար* ծրագիրը Երևանի որոշ դպրոցներում, անցկացրել են պարապմունքներ ու թրեյնինգներ ուսուցիչների շրջանում, ովքեր այնուհետև ստացած գիտելիքները հաջողությամբ կիրառել են դասարանային և արտադասարանային ժամերի ընթացքում:

Իրականացնելով և ամփոփելով սեփական և այլոց հետազոտությունների արդյունքները *Փիլիսոփայությունը երեխաների համար ինստիտուտի հայ գործընկերները* մի անգամ ևս հաստատում են, որ «Փիլիսոփայությունը երեխաների համար» դպրոցական դասընթացը զգալիորեն բարելավում է երեխաների տրամաբանական մտածողության ունակությունները:

Առաջին մոտեցմամբ կասկածամիտ ընթերցողին կարող է թվալ, թե դիտարկվող խնդրի առաջադրումը, առավել ևս քննարկումն ու մինչև անգամ դրա որպես համակարգված ծրագրի զարգացման անհրաժեշտության պահանջը հերթական նորարական, մոդայիկ, բայց և՛ սին ու արհեստածին, «դրսից» ներմուծված հարցադրում է, որը մի նոր խրթին, խճճող «փորձանք» է կամ լավագույն դեպքում՝ փորձություն է նախապատրաստում այս անգամ արդեն մեր խեղճ երեխաների համար: Այսպիսի մոտեցմամբ հարցը դիտարկելու պարագայում, ակնհայտ է, որ այն նույնիսկ վտանգավոր է, քանի որ իրադարձությունների կենտրոնում որպես մեր դիտարկումների և գործողությունների օբյեկտ մեր հասարակության ամենախոցելի ու ամենանուրբ էակներն են և հերթական հարվածի տակ է դրվում նրանց հոգեկան և կենսաբանական առողջությունը, և որ տվյալ դեպքում ամենաառանցքայինն է՝ միտքը՝ իր դրսևորման բոլոր ձևերով, եղանակներով ու միջոցներով: Ավելին, հնարավոր «ողբերգական վնասների» շարքը շարունակելու պարագայում կարելի է մինչև իսկ հասնել այնտեղ, որ պնդել, թե այս ամենը կարտացոլվի նաև փիլիսոփայական խորհրդածություններից ծանրաբեռնված մանկապատանեկան մտածողության անմիջական իրողության՝ նրանց լեզվի և ազգային արժեքների օտարման վրա: Իրոք, որ ողբերգական արդյունք է՝ «ինքնատիպու-

յան մարմաջով համակված կատվի խաղը ու անօգնական մկան՝ մահը»: Արդյունքում՝ անառողջ մանուկներ, անառողջ երիտասարդություն, անառողջ հասարակություն, անառողջ ապագա ու կործանվող հայ ժողովուրդ:

Թերահավատ և կասկածամիտ ընթերցողին կարող է մտատանջել նաև մեկ այլ հակաթեզիս՝ առաջարկվող կրթական ծրագիրը և դրանից բխող հայեցակարգն ու գործողությունների համակարգը դրամամսխման և դրամավատնության մի նոր միտում կամ մոլուցք է:

Գուցե «Փիլիսոփայությունը երեխաների համար» կրթական ծրագրի դեմ ներկայացված հնարավոր հակափաստարկումն ու թվարկված հակադրույթների շարքը չափազանցված ծայրահեղություններ են, այնուամենայնիվ, հնարավոր են, ուստի և արժե դրանց հետ հաշվի նստել և վաղ տարիքում փիլիսոփայական մտածողության զարգացման անհրաժեշտության հիմնավորումն իրականացնել նաև դրանք հերքելու տեսանկյունից:

Ինչպես ցույց է տալիս միջազգային փորձի դիտարկումը, նախադպրոցական և դպրոցական տարիքի երեխաները պատրաստ են փիլիսոփայական հարցադրումներին նվիրված քննարկումների, հասուն մարդկանց նման գնահատում են դրանք և ցանկանում են, որ իրենց կենսափորձը իմաստալից, արժեքավոր, հետաքրքիր, արդար, գեղեցիկ և խոհեմ լինի:

Երեխաների մտածողությանը ստեղծագործ քննադատական բնույթ տալը մեր հասարակության առաջընթացի ապահովման երաշխիքն է: Դա հասկանում էին խորհրդային ժամանակների իշխանավորները և պատահական չէ, որ երեխան, մինչև իսկ ուսանողը զրկված էր ազատ ու տարբերվող հեղինակների աշխատությունների բնագրերին ծանոթանալու հնարավորությունից և ստիպված էր բավարարվել դրանց վերլուծությունն իրականացնող գաղափարախոսայնացված դասագրքերով, ինչի արդյունքում բթացվում էր նույնիսկ սեփական տեսակետ ունենալու ցանկությունը, ավելի ստույգ երեխան չէր էլ գիտակցում, որ «իր տեսակետը» բնավ էլ իրենը չէ, ապրում էր անիրական մշուշի մեջ, «անգի-

տությամբ բախտավոր», իսկ հասարակական «առաջընթացն» իրականում հասարակության կործանումը դարձավ:

Դրամամսխում չէ, քանի որ «Փիլիսոփայությունը երեխաների համար» ծրագրի շրջանակներում գործող միջազգային կազմակերպություններն ու կառույցները բազմակողմանիորեն համագործակցում են և աջակցում միմյանց, և նոր ստեղծվող կենտրոնները ծրագիրը խթանելու նպատակով կարող են դիմել վերջիններիս կողմից որպես համագործակցող ընկերակցություն ճանաչվելու համար: Արդյունքում կարելի է հուսալ, որ աջակցություն կարելի է ստանալ դրամաշնորհային ծրագրերի միջոցով:

Հայաստանի Հանրապետությունում «Փիլիսոփայությունը երեխաների համար» ծրագրի իրականացման կրթական և սոցիալ-բարոյական նախադրյալները

Աշխարհի բոլոր քիչ թե շատ խոշոր համալսարաններն ամենից առաջ հետազոտական կենտրոններ են, որոնցում տարանջատված չեն կրթությունն ու գիտական աշխատանքը: Ավելին, կրթությունն իրականանում է գիտական աշխատանքի համատեքստում, գիտական աշխատանքի միջոցով, ինչի արդյունքում ձեռքբերված նոր գիտելիքն իր հերթին դառնում է կրթության արտահայտման եղանակ և արդյունք՝ ակնկալվող, հաճախ նաև՝ անակնկալ կախված ձեռքբերված որակական ցուցանիշի նախադեպության աստիճանից:

Մեր օրերում հայ համալսարանական կրթական համակարգում ևս ավելի, քան երբևէ կարևորվում է հետազոտական

տարրը: Քանի որ ներկա հտազոտությունն իր ծրագրային նպատակներով և հեռանկարներով առնչվում է Խաչատուր Աբովյանի անվան հայկական պետական մանկավարժական համալսարանի հետ, ուստի նպատակահարմար է խնդիրը դիտարկել վերջինիս համատեքստում: Վերջին տարիներին ՀՊՄՀ-ում հետազոտական աշխատանքը և ուսումնական գործընթացը դիտարկվում են որպես միասնական կրթական ծրագիր և պարբերաբար մշակվում և կատարելագործվում են դրանց փոխկապակցման մեխանիզմները: Դա հնարավոր է ամենից առաջ այն պատճառով, որ դասախոսական կազմը ներգրավված է հետազոտական աշխատանքներում, և իր գի-

տական ձեռքբերումներն անմիջականորեն կրթական ծրագրի պահանջների սահմաններում ներմուծում է իր կողմից դասավանդվող պարտադիր և հատուկ դասընթացներում, կուրսային աշխատանքները և մագիստրոսական թեզերը ղեկավարելիս, մանկավարժական պրակտիկայի շրջանակներում հետազոտական գործունեությունը կազմակերպելիս:

ՀՊՄՀ-ում հետազոտական աշխատանքի մշակույթի ձևավորմանն ու յուրացմանը նպաստող գործոններից մեկն էլ բակալավրիատի վերջին կուրսերում և մագիստրատուրայում (կախված մասնագիտությունից) ներմուծված *Գիտական աշխատանքի տեխնոլոգիա* դասընթացն է, այլապես ստացվում էր, որ հետազոտողը գիտական աշխատանքի մեխանիզմներին ծանոթանում էր միայն ասպիրանտուրայում՝ *Գիտական հետազոտությունների մեթոդիկա և գործիքակազմ* պարտադիր կրեդիտային առակայի շրջանակներում: *Գիտական աշխատանքի տեխնոլոգիա* դասընթացը, որ սկսում է գիտական պրոբլեմի ընտրությունից, ավարտվում ցիտման եղանակների (APA, Chicago, MLA և այլն) յուրացումով, միտված է ծանոթացնել ուսանողներին հետազոտության մեթոդաբանությանը, վերլուծական մտածողության քայլերին, նոր գաղափարների համադրության եղանակներին, գիտական հետազոտության միջոցների ու ձևերի մասին առկա հայեցակարգերին և տեսություններին, զարգացնել ուսանողների վերլուծական ու համադրական կարողությունները, ինքնուրույն հարցադրումներ անելու և դրանք գործնական

հետազոտական աշխատանքներում օգտագործելու հմտությունը:

Դասընթացի կազմակերպումը մյուս առարկաներին զուգահեռ նպաստում է վերջիններիս կոնկրետ նյութի հիման վրա գործնականում կիրառել և մտածողության եղանակի վերածել հետազոտության տեխնոլոգիաներն ու գործիքակազմը, հետազոտությանը ներկայացվող պահանջները, համակարգել ուսանողների ինքնուրույն, անկախ հետազոտությունները և օժանդակել նրանց ձևավորելու նյութերի մշակման արդյունքում ստացած տվյալները գիտական հոդվածի ձևով ներկայացնելու փորձ:

ՀՊՄՀ-ում իրականացվում է հեռավար ուսուցում, որի նպատակը ևս ուսանողի ինքնուրույն, հետազոտական կարողությունների խթանումն է, և, որը միջոց է առավել հետաքրքիր, ընկալունակ և ստեղծագործական լսարանային հանդիպումներ իրականացնելու համար:

Բայց ի՞նչ է ցույց տալիս փորձը: Որքան էլ մեծ են ուսանողի հետազոտական աշխատանքի արդյունավետությունը բարձրացնելու ուղղությամբ գործադրվող ջանքերն, այնուամենայնիվ, առանձին դեպքերից վերանալու պարագայում, ակնհայտ է, որ պակասում է հետազոտական կարողությունը, ինքնուրույն ստեղծագործական աշխատանքի մշակույթը, ինչի պատճառները պետք է փնտրել վաղ մանկության տարիների, մանկապարտեզային և դպրոցական կրթության կազմակերպվածքի մեջ:

Այսօր այս բացը հայ իրականության մեջ ևս կարևորվում է: Բայց խոսքը միայն որոշ ընտրյալ կրթօջախների ու կրթահամալիրների մասին է, մինչդեռ խնդրի լուծումը հրատապ և պահանջված է բոլոր երեխաների համար: *Ինքնուրույն մտածողության, դրա դրսևորման արդյունքները արտահայտելու կարողության ձևավորումն ու զարգացումը հաղորդակցման ընթացքում պետք է սկսել մանկապարտեզից:*

Հետազոտական աշխատանքի, ստեղծագործական կարողությունների և վերլուծական մտածողության տարրերի ապահովումն էլ հենց երեխաների փիլիսոփայական կրթության կազմակերպման հիմքն է:

Մինչդեռ Հայաստանի Հանրապետությունում փիլիսոփայությունը որպես այդպիսին հասանելի է միայն ավագ դպրոցի վերջին դասարանում՝ «Հասարակագիտություն» առարկայի շրջանակներում և ավելի ուշ՝ որպես միջնակարգ-մասնագիտական և համալսարանական կրթության բակալավրիատի ծրագրի պարտադիր առարկա:

«Փիլիսոփայությունը երեխաների համար» ծրագիրը Խաչատուր Աբովյանի անվան հայկական պետական մանկավարժական համալսարանի տեսանկյունից

Խաչատուր Աբովյանի անվան հայկական պետական մանկավարժական համալսարանի մետափիլիսոփայության, փոխակերպական տրամաբանության և փաստարկման միջազգային գիտահետազոտական ինստիտուտի և տարբեր մակարդակի կրթական հաստատությունների (մանկապարտեզ, դպրոց, վարժարան) միջև նպատակահարմար է ստեղծել համագործակցության ծրագիր, որի հիմնական նպատակը կրթական գործընթացում «մտածողությունը խթանող դասավանդման» իրական կարևորումն է, ինչը կօգնի երեխաներին լինել ավելի խոհեմ, մտածել ինքնուրույն, ստեղծագործ, անկախ և քննադատաբար: Ծրագիրը կարող է ներգրավել ՀՊՄՀ սկզբնական կրթության, հատուկ կրթության և կրթության հոգեբանության ֆակուլտետների իրազեկ մասնագետների: Ծրագրում կարելի է ներառել մի քանի տասնյակ

դպրոցներ, մանկապարտեզներ ու նախադպրոցական այլ հաստատություններ, իսկ որպես պաշտոնական հենակետային փորձագիտական հաստատություն կարող է դառնալ Խաչատուր Աբովյանի անվան հայկական պետական մանկավարժական համալսարանի հենակետային կրթահամալիրը՝ Ինստիտուտին կից ՀՊՄՀ-ի մանկապարտեզը (ստեղծվելիք), ՀՊՄՀ-ի Վահան Թոթովենցի անվան թիվ 57 հիմնական դպրոցը և Համալսարանի հենակետային (ավագ դպրոց) վարժարանը:

Ծրագիրը Համալսարանի կրթական ծրագրում ներմուծելու անհրաժեշտությունը պայմանավորված է միջազգային միասնական կրթական համակարգերի զարգացման և դրանց ինտեգրացիայի, գիտության, մշակույթի, կրթության և քաղաքակրթության արդի պատկերացումների, ըմբռնումների, հիմնական հայեցակարգային հար-

ցաղորումների համակարգի մշակման պահանջով: Երեխաների և դեռահասների փիլիսոփայական կրթության հարցերում տարբեր մշակույթների և ավանդույթների ներկայացուցիչների միջև փոխըմբռնման նախաձեռնությունը, համագործակցության ծրագրի մշակումն ու դրա իրականացումը, փորձի փոխանակման ձգտումները Կենտրոնի ստեղծման և գործառնության համար չափազանց կարևոր են: Ուստի, նպատակահարմար կլինի ստեղծել Ինստիտուտի կայք-էջին կից պաշտոնական կայք-էջ և համագործակցել առցանց գործող միջազգային կենտրոնների հետ, ինչն էլ հենց դրանց նպատակն ու առաքելությունն է: Արդյունքում կմշակվեն մտավոր կարողություններ և հմտություններ, որոնք կնպաստեն սոցիալական շփումների և սոցիալական պատասխանատվության մակարդակի բարձրացմանը: Այդ հմտությունները Մ.Լիպմանը դասակարգում է երեք խմբերում՝

1. Զանաչողական հմտություններ

(պատճառների և փաստարկների գնահատում, հասկացությունների վերլուծություն, կապերի բացահայտում, հարցերի ձևակերպում, քննարկումների, բանավեճերի իրականացում, մտքերի և դատողությունների պարզեցում, փաստարկումների կառուցում,

օրինակների հայթայթում, առաջադրում և լուսաբանում, համանմանությունների հայտնաբերում, հաստատությունություն, ինքնաճշգրտում և այլն):

2. Հաղորդակցական և համագործակցական հմտություններ

(փիլիսոփայություն սովորելու կենսափորձի ձևավորում, միմյանց լսելու կարողություն, երևակայական և քննադատական մտածողություն, խոսքի մշակույթի ձևավորում, տիրապետում երկխոսության, բանավեճի, հոգեորության արվեստին, սեփական տեսակետների հիմնավոր և փաստարկված ներկայացմանը, այլոց տեսակետը հարգելու, այլոց գաղափարները զարգացնելու, ինքնավստահ արտահայտվելու, քննադատելու և քննադատություն ընդունելու, ինտելեկտուալ համարձակություն զարգացնելու, թիմում աշխատելու, արժևորելու և այլ կարողություններ և ունակություններ):

3. Բարոյական արժևորման հմտություններ:

«Երեխաների համար փիլիսոփայությունը Խաչատուր Աբովյանի անվան հայկական պետական մանկավարժական համալսարանում» ծրագրի հայեցակարգային նախագիծը արժանի է կոնկրետ և բազմակողմանի մշակման և հետազոտության:

Մանկավարժներին փիլիսոփայությունը երեխաներին սովորեցնելու գործին պատրաստելու խնդրի շուրջ

Մեր յուր Լիպմանի *Փիլիսոփայությունը մտնում է դպրոց* աշխատության վեց բաժիններից հինգերորդը՝ *Մտորումներ*

պրակտիկայի մասին. կրթական ռեֆորմների հետևանքները, ներառում է *Ուսուցիչների պատրաստումը մտածել սովորեց*

նելու գործին ենթազույսը (Lipman 1988: 151-159), որտեղ հեղինակն առաջադրում է տարրական դպրոցի փիլիսոփայության ուսուցիչներ պատրաստելու ժամանակակից պրակտիկան իրականացնելու չորս փուլ. ա) *ուսուցիչներ կրթողների պատրաստման փուլ*. բ) *ուսուցիչների պատրաստում*. կրթական ծրագրի ուսումնասիրության փուլ. գ) *ուսուցիչների պատրաստում*. մոդելավորման փուլ. դ) *ուսուցիչների պատրաստում*. դիտարկման փուլ:

Այնպես, ինչպես դպրոցական ծրագրի շրջանակներում երեխաներին սովորեցնում են լեզվական գրագիտություն, նույն ձևով *փիլիսոփայություն* առարկայի միջոցով նրանց պետք է սովորեցնել մտքի գրագիտություն՝ զարգացնելով և ապահովելով կշռադատելու, խորհելու և որոշումներ կայացնելու կարողությունները: Ակնհայտ է, որ փիլիսոփայության պատմությունը սովորելով կամ փիլիսոփաների մասին պատմություններ կարդալով հնարավոր չէ ակնկալվող արդյունքը ստանալ: Փիլիսոփայական գիտելիքը ձեռք է բերվում քննարկումների միջոցով: *Փիլիսոփայությունը երեխաների համար* ծրագրի իրականացման միջազգային փորձը ցույց է տալիս, որ *բարոյագիտությունը*, որը գործնական փիլիսոփայությունն է, արժեքների վերաբերյալ կրթություն ստանալու լավագույն մեխանիզմներն է առաջադրում: Չէ՞ որ երեխայի փիլիսոփայությունը լի է էթիկական մտահոգություններով և խնդիրներով:

Ուշագրավ է 2014-2015 ուսումնական տարում ՀՊՄՀ սկզբնական կրթության և

կրթության հոգեբանության և սոցիոլոգիայի ֆակուլտետի մագիստրատուրայի ավարտական կուրսերում *Տրամաբանության ընդհանուր տեսություն* դասընթացի շրջանակներում իրականացված փորձնական աշխատանքը՝ ապագա մանկավարժներին *Փիլիսոփայությունը երեխաների համար* ծրագիրն իրականացնելու գործին նախապատրաստելու համար: Հիմք ընդունելով Թոմ Վարթենբերգի դեկավարությամբ մշակված և գործող «Սովորեցնենք երեխաներին փիլիսոփայություն» կայք-էջի¹ տարրական դպրոցի աշակերտներին հասցեագրված աշխատանքային փորձը՝ մագիստրոսներին հանձնարարվել էր իրականացնել վերլուծական աշխատանք՝ ըստ *Տրամաբանության ընդհանուր տեսություն* դասընթացի հեռավար կայք-էջում տեղադրված վերլուծական աշխատանքի տիպորինակի (որպես այդպիսին ընտրվել էր Մունրո Լիֆի «Ֆերդինանդի պատմությունը» պատմվածքը) և վերլուծական աշխատանքի մշակված քայլերի: Դրանք էին՝

1. Ընտրել՝ որևէ առակ, նովել, մանկական պատմվածք, հեքիաթ, ասույթ, թևավոր խոսք (հայ կամ արտասահմանյան հեղինակներից):
2. Գրել՝ ընտրված ստեղծագործության, դրույթի բովանդակության պլոժեններկայացնող համառոտ (3-10 տող) ամփոփումը:
3. Առաջադրել՝ 4-5 հանգուցային հասկացություններ, ամրագրելով դրանց տե-

¹ Տե՛ս http://www.teachingchildrenphilosophy.org/wiki/Main_Page:

սակը (ըստ ծավալի և ըստ բովանդակության):

4. Կազմել՝ քննարկման, բանավեճի ուղեցույց՝ ըստ ընտրված ստեղծագործության մեջ առկա փիլիսոփայական, տրամաբանական, բարոյագիտական խնդիրների՝ նկատի ունենալով կրտսեր նախադպրոցական տարիքի երեխաներից մինչև ավագ դպրոցի դեռահասների լսարանը և փորձել տալ այդ խնդիրների փիլիսոփայական ըմբռնումը (հարկ եղած դեպքում օգտագործելով փիլիսոփայական, տրամաբանական, բարոյագիտական բառարաններ, հանրագիտարաններ):
5. Բանավեճի ուղեցույցում առանձնացված յուրաքանչյուր խնդրի, պրոբլեմի շուրջ առաջադրել հարցեր (դարձյալ նկատի ունենալով կետ 4-ում նշված տարիքային խմբի երեխաներին), որոնց պատասխանների միջոցով սկրատեսյան մասնակցայի սկզբունքի կիրառմամբ հնարավոր կլինի կազմակերպել տվյալ խնդրի քննարկումը և

ձգտել հասնել այն բանին, որ երեխան՝ ինքը, առանց քննարկումը վարողի միջամտության, հասնի կետ 4-ում ընտրված խնդիրների ներկայացված ըմբռնմանն ու բնորոշմանը:

Ստացված արդյունքը չափազանց հուսադրող է, իսկ առանձին դեպքերում՝ ոգևորող: Դրա ամփոփումն ու ըստ փիլիսոփայության բաժինների տարբեր խնդրակարգերի դասակարգումը կդառնա նոր հետազոտության առարկա: Այն հիմք կծառայի վաղ տարիքում փիլիսոփայական մտածողության զարգացման մեխանիզմների, դրա մեթոդաբանական հիմքերի հետազា մշակման, մանկավարժներին երեխաներին փիլիսոփայություն սովորեցնելու գործին պատրաստելու համար:

Հետազոտության յուրաքանչյուր փուլի արդյունքները նախատեսվում է ներկայացնել *Բնաստություն* հանդեսի համարներում:

ՄԵԶԲԵՐՎԱԾ ԵՎ ՀՂՎԱԾ
ԳՐԱԿԱՆՈՒԹՅՈՒՆ

1. Brutian, L. (1993). "Children's Philosophy and Wisdom through Their Discourse" // Thinking: The Journal of Philosophy for Children, Institute for the Advancement of Philosophy for Children. Montclair State University, NJ, vol. 11, N 1 (7 p.).
2. Brutian, L. (2007). "Arguments in child language" // Proceedings of the VI Confe-

rence of ISSA. The Netherlands: Sic Sat (p. 5).

3. Leaf, M. (1977). The Story of Ferdinand. England, Published in Picture Puffins.
4. Lipman, M. (1974). Harry Stottlemeier's Discovery, Upper Montclair. NJ: Institute for the Advancement of Philosophy for Children.
5. Lipman, M. (1988). Philosophy Goes to School, Philadelphia: Temple University Press.

6. Lipman, M. (ed.) (1993). Thinking Children & Education. Dubuque. Iowa: Kendall/Hunt.
7. Lipman, M.; Sharp, A. & Oscanyan, F. (eds.) (1978). Growing Up With Philosophy. Philadelphia: Temple University Press.
8. Lipman, M., Sharp, A., Oscanyan, F., Philosophy in the Classroom, 1980, Temple University Press.
9. Robinson, D. & Groves J. (2000). Introducing Philosophy. Edited by Ricchard Appiganesi, USA, Press.
10. Runes, D. (1963). Pictorial History of Philosophy. Littlefield, Adams & Co. – Paterson, New Jersey, USA.
11. Брутян, Л. (2011). “Квопросуодетскойаргументации” // Հշին, համալիր, հարապակցում: Երևան: ԵՊՀ հրատարակչություն (с.12).
12. Марголис, А. (1996). «Программа «Философия для детей». // Психологическая наука и образование, № 1. Москва.
13. Марголис, А. Ковалёв, С., Телегин, М., Кондратьев, Е. (1997). «Философия для детей» – диалогический, учебный проект». Сообщение. // Психологическая наука и образование, № 4. Москва.
14. Марголис, А., Ковалёв, С., Телегин, М., Кондратьев, Е. (1998). «Ромашка – почему» («Философия для детей») – образовательная программа для младших школьников. Москва: МОИПК.
15. Ретюнских, Л. (2003). Школа Сократа: Философские игры десять лет спустя. Москва: МПСИ, Воронеж: МОДЭК.
16. Светлов, В. (2010). История философии в схемах и комментариях. Изд.-во: Питер, Серия: Учебное пособие.
17. Телегин, М. (2006а). Воспитательный диалог: образовательная программа для детей старшего дошкольного возраста. Москва: МГППУ.
18. Телегин, М. (2006б). Теория и практика диалогического воспитания детей старшего дошкольного и младшего школьного возраста. Москва: МГППУ.
19. Телегин, М. (2009). Рождение диалога (книга о педагогическом общении). Москва; АЛВИАН.
20. Юлина, Н. (2005). Философия для детей. Обучение навыкам разумного мышления. Москва: Канон.
21. Убальдо, Н. (2006). Иллюстрированный философский словарь: От культа богини-матери до сократовских философов, от Платона и Аристотеля до Возрождения, от Канта до идеализма, от психоанализа до эстетики. AtlanteillustratodiFilosofia // Убальдо Н.; Пер. с ит. Т.Григорьевой, Л.Подпятниковой; Ред. М.Бонч-Бруевич. М.: БММ АО.

ՊԱՐԲԵՐԱԿԱՆՆԵՐ

1. Analytic Teaching: The Community of Inquiry Journal, Viterbo College, LaCrosse, WI.
2. ChildhoodandPhilosophy: Journal of the International Council of Philosophical Inquiry with Children.
3. Critical & Creative Thinking: The Australasian Journal of Philosophy for Children. The Federation of Australian Philosophy for Children Associations (FAPCA).
4. Thinking: The Journal of Philosophy for Children, Institute for the Advancement of Philosophy for Children. Montclair State University, NJ.

5. Questions: Philosophy for Young People, published by the Philosophy Documentation Center. Bowling Green State University. Inaugurated in spring 2001 with the

support of the American Philosophical Association and the Northwest Center for Philosophy for Children.

ՎԱՂ ՏԱՐԻՔՈՒՄ ՓԻԼԻՍՈՓԱՅԱԿԱՆ ՄՏԱԾՈՂՈՒԹՅԱՆ ԶԱՐԳԱՅՄԱՆ ՀԵՌԱՆԿԱՐՆԵՐԸ ՀԱՅ ԻՐԱԿԱՆՈՒԹՅԱՆ ՄԵՋ

ԱՄՓՈՓՈՒՄ

Ներկա հետազոտությունն իր բնույթով ծրագրային նախաձեռնություն է, որը բազմակողմանի և հետևողական մշակման ու զարգացման կարիք ունի:

Աշխատանքում փորձ է արվել դիտարկել «երեխան և փիլիսոփայությունը» փոխհարաբերությունը որպես հայեցակարգ, հիմնավորել հայ իրականության մեջ երեխաների փիլիսոփայական մտածողության զարգացման հնարավորությունն ու փիլիսոփայական աշխարհայացքի ձևավորման անհրաժեշտությունը՝ հիմք ընդունելով այս ոլորտում միջազգային կենտրոնների և ծրագրերի փորձը, ուրվագծել Հայաստանում *Փիլիսոփայությունը երեխաների համար* ծրագրի իրականացման կրթական և սոցիալ-բարոյական նախապայմանները Խաչատուր Աբովյանի անվան հայկական պետական մանկավարժական համալսարանի համատեքստում, խնդիր է դրվել

մշակել մեխանիզմներ և մեթոդաբանական հիմքեր մանկավարժներին փիլիսոփայությունը երեխաներին սովորեցնելու գործին պատրաստելու համար:

Հանգուցային հասկացություններ. Մեթոդի Լիպման, փիլիսոփայությունը երեխաների համար, փիլիսոփայությունը մանկապարտեզում, փիլիսոփայությունը դպրոցում, փիլիսոփայական քննարկում, քննադատական մտածողություն, ինքնուրույն մտածողություն, անկախ մտածողություն, ստեղծագործական մտածողություն, վերլուծական մտածողություն, փիլիսոփայական մտածողության զարգացման մեթոդաբանություն, Փիլիսոփայությունը երեխաների համար ինստիտուտի հայաստանյան մասնաճյուղ, *Փիլիսոփայությունը երեխաների համար* ծրագիրը ՀՊՄՀ-ի հեռանկարում:

THE PERSPECTIVES OF DEVELOPING PHILOSOPHICAL THINKING STARTING FROM EARLY CHILDHOOD IN ARMENIAN REALITY

SUMMARY

This research projects is in its initial stage and needs a comprehensive and consistent construction and development.

The article discusses "child and philosophy" relationship as a major concept. It aims to justify the need and perspectives of developing philosophical thinking amongst children, necessity of formulating philosophical world view, based on the experience of international centers and programs performing in this field. Furthermore, the article outlines the potentials and realistic approaches through which the educational program Philosophy for Children can be realized in Khachatur Abovian Armenian State

Pedagogical University. In the initial phase mechanisms and methodological basics will be created for training teachers, who would later utilize professional skills and techniques to teach philosophy to children.

Key concepts: Mathew Lipman, philosophy for children, philosophy in kindergarten, philosophy in school, philosophical discussion, critical thinking, individual thinking, independent thinking, creative thinking, analytical thinking, methodology of developing philosophical thinking, Philosophy for Children Institute in Armenia, Philosophy for children course and ASPU.

ОГАНИСЯН АСМИК

ПЕРСПЕКТИВЫ РАЗВИТИЯ ФИЛОСОФСКОГО МЫШЛЕНИЯ У ДЕТЕЙ В РАННЕМ ВОЗРАСТЕ В АРМЯНСКОЙ ДЕЯТЕЛЬНОСТИ

РЕЗЮМЕ

Данное исследование является инициативой к программе, которая пока еще нуждается в многосторонней и углубленной разработке и развитии.

В работе предпринята попытка рассмотреть взаимосвязь «ребенок и философия» как концепцию, обосновать в армянской реальности возможность развития философского мышления и необходимость формиро-

вания философского мировоззрения у детей, основываясь на опыт международных центров и программ в данной области, предопределить образовательный и социально-этический потенциал осуществления в Армении программы *Философия для детей* в Армянском государственном педагогическом университете имени Хачатура Абовяна, выдвинута проблема разработки механизмов и ме-

тодологических основ с целью подготовки преподавателей обучать детей философии.

Ключевые понятия: Мэтью Липман, Философия для детей, философия в детском саду, философия в школе, философское обсуждение, критическое мышление, самостоя-

тельное мышление, независимое мышление, творческое мышление, аналитическое мышление, методология развития философского мышления, Армянский институт философии для детей, программа *Философия для детей* в перспективе АГПУ.